

Oqaluuserisassanut nassuiaat.

(Inatsisartut Siulittaasuat)

Ilaqutariinnermut Peqqissutsimullu Ataatsimiititaliaq qinnuteqarpoq oqaluuserisassani immikkoortut 44-p aamma 45-p aappassaaneerseqarnissaasa UPA2016-imut kinguartinneqarnissaannik.

Imm. 44: Kalaallit Nunaani kræftimik eqqugaasunut sungiusaqqittarfimmik pilersitsinissamut siunnerfilinnik iliuusissanik pilersaarusiornissaanik Naalakkersuisut kingusinnerpaamik UPA16-imi peqquneqarnissaanik siunnersuut.

Imm. 45: Qaratsap aanaartoorneratigut timip ilaanik nukillaartoornermik nappaatillit siunnerfilimik aaqqissuussaalluartunik aammalu ataqatigiissarneqartunik sungiusaanissanik ingerlatsinissani iliuusissatut pilersaaruteqarnissat pillugit Naalakkersuisut kingusinnerpaamik UPA 2016-imi Inatsisartunut aalajangiiffigisassatut siunnersuusioqquneqarnissaannik siunnersuut.

2016-imi ukiakkut ataatsimiinnerup aallartiffissaata maannangaaq aalajangersarneqarnissaa Siulittaasoqarfiup kissaatigaa. Taamaalilluni oqaluuserisassani imm. 10 ukiakkut ataatsimiinnermi ingerlasumi oqaluuserisassani immikkoortutut kingullertut oqaluuserineqassaaq.

Imm. 10: 2016-mi Inatsisartut ukiakkut ataatsimiinnissaata aalajangiiffigineqarnera.

Ilaasortat uku akornanni taasisarnerit pillugit isumaqatigiissuteqartoqarpoq:

Peter P. Olsen, Inuit Ataqtigiit aamma Kim Kielsen, Siumut

Naaja H. Nathanielsen, Inuit Ataqtigiit aamma Jens-Erik Kirkegaard, Siumut

Iddimanggiu Bianco, Inuit Ataqtigiit aamma Anders Olsen, Siumut

Aqqaluaq B. Egede, Inuit Ataqtigiit aamma Suka K. Frederiksen, Siumut

Per Rosing-Petersen, Partii Naleraq aamma Siverth K. Heilmann, Atassut